



Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

Пренумерата в краю:

30 грошей місячно,
80 „ „ кварталньо,
1.50 „ „ полрочно,
3 зл. рочно.

В Америкі: 1 дол. рочно.

В Чехословакии:
2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., $\frac{1}{2}$ сторони 60 зл., $\frac{1}{4}$ сторони 35 зл., $\frac{1}{8}$ стор. 20 зл., $\frac{1}{16}$ стор. 10 зл.; оголошення малы за 1 мм. 20 гр., в тексті 30 гр., перед текстом 40 гр. При місячном и долгом оголошеню значна знижка.

Конто чекове Нр. 404.155.

Яка есть ціль кооператывов.

В попередном числі Лемка подали мы, яка цілі и задачи тяжат на сельских кооператывах. Дальша ціль кооператывов ест старати ся о поправу расы статку, коней и свиней. Наш статок тзв. расы червено-польской отвічат найлучше нашим тереновым и пашным условиям. Невеличка и легка коровка надае ся добре до ходження по убогах. але тоту коровку треба достаточно кормити и чисто держати, бо лем втотчас даст нам она сподіваны користи. Важну ролю грае притом расплодовый бык, котрый мусит находити ся в добрых кормових условиях, штобы вплив его на поправу расы был користный. Кооператывы отже повинни старати ся о инструктора - агронома, котрый бы — сідячи на місци — познакомил ся со всіма недостатками и возможностями села и отвітно до них распочал плянову, хосенну для села роботу.

Брак господарчих инструкторов по селах ест головном болячком наших сел. Часы мінают ся, світ семомильовыма скорнями поступат вперед, а селянин господарит так, як его родичи, діды и прадіды. Тамты могли робити ріжны хыбы, бо мали два до 5 раз больше грунту, але тепер мусит селянин старати ся вытягнути с грунту як найвысши доходы, бо иначе грозит му біда.

Селянин тепер мусит ставати до своей работы приготовлений, он мусит так, як тот вояк в окопах, знати точно свой обовязки и цілі и стреміти консеквентно к осягненню наміченых цілей. Тоту приготовлене дают селянину школы сельского господарства. Однак не всі могут тоты школы кончити, притом у нас не ест ище розвинене освідомлене потребности кончення рольничих школ и тым самым народ неохотно отдае свои діти до школ сельского господарства. Прото тыж обовязок того освідомлення падат на сельскы кооператывы, котры могут тоту зробити лем через спроваджене до села инструктора - агронома. Кошт удержаня невеликий, а хосен громадный. Инструктор - агроном ходит по селі и учит людей закладати сады и пасіки, управляти землею, ходити и плекати домашны звірята, перерабляти молочны продукты, овочи и ягоды и старат ся найти отберателей на зе-

млеплоды. Село ціле замінят ся таким способом в одну велику школу сельского господарства, населене находит новы жерела доходу и приходит счасом до добробыта.

Кооператыв, а взглядно его именован діляющий инструктор - агроном займе ся спровадженем новых отмін зерна до сіву, штучных навозов. С часом село може закупити новочасны знаряды и машины рольны, урядити ветеринарийну аптеку и т. д. Тоту всю злучит и сценентуе в одну цілость населене цілого села и работа кооператыва принесе користи цілому селу.

Дальшим старанем кооператыва повинно быти, штобы выпродукованы селянинами землеплоды продати якнайкористнійше и то штобы их продати, если ся даст, без посередника, котрый звычайно зарабат при том найбільше.

Прото тыж правлене кооператыва, в зависимости от условий, яка сут в селі, постарат ся о основане кооператывной молочарні, если в селі ест дуже молока, — зсыпу черна, штобы его пак гуртом в місті продати, або скупу яиц, штобы их погодивше скринями

Война в Испании.

Сут тепер дві справы, котрыма интересуе ся цілий світ: домашна война в Испании и война на Далекоем Востоді. Обі тоты справы мають не лем місцеве значене, але забувають ся они интересы великих держав и их рывализацию.

Если ходит о войну в Испании, то бои идут не лем меже повстанцами и червоном армиом правительства в Валенции, але ест она дыпломатичным поединком меже Совітами с одной и Німеччином и Италиом с другой стороны. Перши дают помоч правительственным войскам, други — войскам генерала Франко.

Отрубне, ожидающе положене занимают Англия и Франция, котры старают ся о того, штобы война испанска не росширила ся на цілу Европу. Им, особенно Англии не на руку побіда червонои армии, бо она не хоче

Доносиме, же в перших днях жолтня поывит ся наш богато иллюстрированный

КАЛЕНДАР НА Р. 1938.

и просиме уж тепер присылати замовления. Редакция принимат также всякы материялы и фотографии, относячи ся до культурного и экономичного жита наших сел. Материялы тоты будут помещены в календарі. С пересылком материялов треба ся спішити.

выслати в світ. Иншими словами кооператыв мусит так поступати, штобы селянин не потребовал с ничим ани за ничим їздити до міста.

Розуміе ся, же фундаментом цілой акции кооператывов ест sklep. Sklep може быти основанный або с фондов власных, або с уділов. Кооператыв може прийти до фондов с уряджанных забав и жертв и сам основат sklep.

Ціль skleпу кооператывного ест с одной стороны придбати для членов добрый товар по цінах низких, а с другой стороны при skleпі легче ест урядити и пустити в рух всі тоты агенды, котрых уж висше писано.

Як переводит ся тоту, напишем в слідующем числі.

поширяти комунизм в Европі, але также не до смаку бы ей была побіда повстанчих войск, бо тоту укріпило бы союз меже Испаниом и Німеччином, што было бы опасне для английских морских впливов на Средземном морі. А преця теперешна война в Испании ест ничим иншим, лем заводами меже Англиом и Испаниом о власть над Средземным морем. Першим етапом той борбы была война абисынска, другим укріплене берегов и островов на Средземном морі, а третим вмішане ся до домашной войны испанской.

Нич дивного, же был час, коли всім здавало ся, же война меже Англиом и Италиом ест неизбіжна и же до ней мусит дойти. В послідных однак часах послідовало своего рода отпружене и уж дошло до выміны нот меже Англиом и Италиом. Тоту доказуе, же обі державы отложили свои порухунки на погодивше, бо не выдае ся віроятным, штобы с обох сторон згода была щира.

ВОЙНА НА ДАЛЕКОМ ВСХОДІ.

Война кытайско - японска росширять ся дальше. Идут завзяты бои не лем на полночи, в окрестности горских провалов и кытайского муру, в провинциях Чагар и Гоппеи, але также перенесли ся они уж до Середного и Полудневого Кытая.

Япония оголосила уж загальну мобилизацию всіх офицеров до 55 року. Покликано также до воска резервистов послідных трьох літ, а по незвычайной сесии сейма, котра вызначена ест на 3. вересня, сподівають ся загальной мобилизации. С того выходиг, же Япония в виду сильного отпора со стороны Кытая, шикуюе ся до долготривалої войны.

Головны бои, барз завзяты, идут в самом Шанхаю. Місто того, велике, бо числяче понад 3 и 1/2 милиона жителей, ест наибольшим портом Азии и Далекого Выходу. Европейцы, Американы и Японцы маот там свои кварталы и привилегии. Банки, кораблі, фабрыкы, торговля — всьо того находиг ся праві всеціло в руках чужих народов, а найсильнйше сут там заинтересованы японцы.

Знаючи о значеню Шанхая, припустила Япония сильну атаку на того місто. В разі опанованя того міста, оплатило бы ся им то, бо, маючи Шанхай, мали бы впливы по крайной мірі на половину Кытая. Прото тыж борба ест страшно завзята. Однак до тепер помимо страшного бомбардованя со стороны моря и через самолеты — кытайскы войска держат ся добре.

Першы тыждні войны выказуют явно, же тепер не повезе Японии так легко, як перед пятома роками. Уж тепер будят ся в Кытаю дремячи силы 400-милионного народа, котрый може Японии принести много прикрых неожиданностей.

Кытай, кромі того, достае помоч со стороны Советов, котры не радо смотрят на роснучу могучость Японии. Советы дадут напевно оружие, самолеты и инструкторов. Недалром советскый маршал Блюхер сидит в Нанкині.

—000—

Як живут в Совітах.

„Руская Народная Газета“ подае опис життя в Совітах, зділяный корреспондентом австрийской газеты „Нейе Фрейе Прессе“, Николаем Бассехесом.

Ведля того опису маленький урядник зараблят в Совітах барз мало. Місячный заробок кваліфікованого работника не перевисшат там вартости пары скорень. Молоды професоры зарабляють 2 пары скорень, а вышши урядники — чотыры пары скорень. Але чим висше становиско урядника, тым ест высший и его „натуральный“ доход, котрый часто перевисшат доходы в грошах.

Найвышшы заробкы маот писателі, але лем так долго, покаль писатель не нарушил „генеральной линии“ большевицкого сталинизма. Тото само относит ся до фильмовых акторов. Также дуже зарабляють гдеякы ученые и лікары. Але помешканя маот всі барз малы. Нормально приділят ся на 1 человека 8 квадратных метров помешканя, а лем ученым и лікарам прислугуе право заняти 10 кв. метров. Звычайно ціла родина жие в одной комнаті и лем высоким достойникам даот по 2 комнаты.

Не относит ся тото до советской арыстокрации, котра жие чим раз лучше. П

Москвом побудовано для ней прекрасны дома, до котрых допущат ся лем выбранных. Каждый гость мае там право достати отдільну комнату и выбрати собі уж передом, што хоче істи на обід. При каждом домі ест великий парк — ліс. Простый народ не лем не мае права заходити до того ліса, але ему не позволяють навет перейти дорогом, ведучом через тот ліс.

На березі Чорного Моря сут побудованы санатории. Найскромнйши належат до кашворых. Там може достати ся и простый смертний. Красши сут перезначены для червеной армии, але не для вояков, лем для офицеров. Низши офицеры живут по двоих и трьох в одной комнаті, офицеры вышши могут приїжджати со своима женами, а генералы кнот в отдільных, прекрасных домах. Таксамо живут высокы урядники.

Аж и на приморской пляжі перестерігают остро, штобы просты люде не сходили ся с советском арыстокрациом, котра мае вызначены отдільны місца, на котры не сміе ступити никто непокликаныи.

Так то в том „раю“ ест рай, але лем для советских достойников, а не для простого народа.

ЗАРОБКИ РЕМЕСЕЛЬНИКОВ.

„Малый Статыстычный Рочник“ с р. 1937 подае высоту заробков ремесельников с р. 1933. В том році наибольше, бо 35,2 процент ремесельников зарабляло тыжднево от 10—20 зл. Меньше як 10 зл. зарабляло 32,9 процент ремесельников, от 20 до 30 зл — 16,9 процент, от 30—40 злотых — 7,5 процент, от 40 до 50 злотых — 3,6 процент, от 50 до 60 зл. — 1,7 процент, от 60—70 злотых — 0,9 процент, от 70—80 злотых — 0,5 процент, понад 80 злотых — 0,8 процент.

Як с того обчисленя видно третя часть ремесельников зарабляла пересічно по 1 зл. денно (меньше як 10 зл. на тыждень) и другая третя часть (от 10—20 зл.) по 2—3 зл. денно.

но. — Ест то барз мало, штобы выжити с родинном.

Паша с Венгрии.

Министерство Рольництва выдало позволене на привоз с Венгрии 5,000 тон сина. Тым способом хоче ся пополнити брак паши в полудневых частях нашей державы и не допустити до обниженя ціны статку, котрый в случаях неуроджя селяне масово продают. На місцевых рынках ціна паши держит ся на высоком уровні, причом дае ся спостеречи малу подаж товару.

Село в обороні своего костела.

В Дотцгейм недалеко Висбаден, в Німеччині власти приказали замкнути костел. Обуре не тым населене, прикликало слесара, котрый отворил костел. В костелі отслужено ище того самого дня богослужене, а присутных на нем было так дуже, же много стояло коло святого храма. Незадолго появили ся вооружены гитлеровцы, штобы росогнати вірных и арестовати священника. Населене ставило рішительный отпор и вооружило ся в вилы и косы. Хлопы повыврывали с плота колікы и шмарили ся на гитлеровцов. В результате гитлеровцы, хотячи не хотячи, мусіли ся цофнути. Богослуженя в костелі отправляют ся дальше.

Дипломатычный конфликт медже Чехословакиом и Португалиом.

Дня 19. серпня выїхал с Прагы на приказ своего правительства португальскый посол Хозе де Коста Карнейро и Португалия односторонно перервала дыпломатычны отношенія с Чехословакиом.

Причином того спора было тото, же Чехословакия не достарчила замовленого через Португалию оружия и амуниции. Португалия замовила в Чехословакии машинны карабины и амуницию. Чехословацке правительство не хотіло принять замовленя, со взгляду на приняты собовязаня относительно немішаня ся до домашной войны в Испании. Погодивше однак чехословацке правительство вдоволило ся заявленем со стороны португальского правительства, же достарчене оружие и амуниция не будут проданы жадной с воюющих сторон в Испании.

Фактычно спор повстал с причин чисто торговельных. Португалия зажадала одного тыпа машинного карабина, котрого чехословацка оружейна фабрыка не могла зробити в означеном через Португалию часі и предложила инший тып, котрого знова не хотіло португальске правительство. В том невыполненю замовленя относительно одного тыпа машинного карабина, португальске правительство досмотріло ся охоты невыполнения цілого замовленя и перервало дыпломатычны отношеня с Чехословакиом.

Конфликт тот однак не потягне за собом поважнйших послідствий.

Бішений кот. Не лем псы, але также и инши звірята подпадают той страшной хвороті.

Недавно под Краковом скалічил селянина домашный кот. Селянин не звернул увагы на маленьку ранку, котра роз'ятрила ся сильно. В пару дней погодивше признакы встеклизны обявили ся у хлопа и всяка помоч оказала ся опознена. Хлоп помер в великих болях.

П О М І Щ А Й Т Е
О Г О Л О Ш Е Н Я
В Г А З Е Т І „Л Е М К О“.

Политычний штрайк людового стронництва.

Дня 15. серпня т. р. „Людове стронництво“ скликало ряд собрань, на котрых проклямовано 10-дневный загальний хлопский штрайк, маючий поперти кличи и постулягы той политычной группы.

Штрайк тот мал довести до десорганізації господарчого житя в краю через недопущене довозу провьянтов до міст — причом хотіли штрайк перевести при помочи терору, спеціально сорганізованих и вооружених банд.

Штрайк тот мал обняти цілий край. Не удал ся однак и был переведений лем в деяких повітах при помочи росагитованих членов „Стронництва людового“.

Банды вооружених агитаторов старали ся выкликати розрухы и пополнили ряд актов насильства и звычайных криминальных преступлень. Барыкадовали дороги, подпалляли дома, рубали овочевы дерева и убивали звірята тым, котры не солидарызовали ся со штрайком. Перерывали также телефоничны проводы и приступили аж и до розбераня мостов.

Дошло до того, же вооружены банды почали стріляти до полициі, довіряючи нечестным увіреням своих предводителей, же могут дійствовати безкарно, бо полициі заборонено стріляти.

Аж, утікаючи по першой полициійной сальві, обаламучены участники нападів, переконали ся, же полициія в обороні ладу и публичного спокою має не лем право, але обовязок ужити оружје.

Тота переступна акція стала ся причином, **же в часі розрухов убито 41 людей, а 34 ранено.** Число ранених ест неполне, бо ряд нападників, котры были ранены, крїе ся по хлопских хатах и лісах, штобы не быти потягненым до судової отвїтственности.

В списі жертв нїт совсем предводителей и проводыров безпорядков, котры увіряли о безкарности их участников, а погодивше, не стараючи ся о судьбу ранених, нашли для себе безпечну хованку.

А як вышол на том сам хлоп, тот, котрого доброго имени ужили проводыры? Вышол якнайпланьше. В часі штрайку не продал, бо го не допустили на торг агитаторы, а по

штрайку нагнано такую масу статку, же ціна его упала сильно, а хлоп, потребуючи грошей, муіл продати. Агитаторы не все служили цілям своих проводыров, бо были и такі случаи, же за оплатом, зложеном на их руки, пропускали фуры с провьянтами. Штрайк штрайком, а грош придаст ся.

Копя сіна.

В одной с летучок, заохочаючих до хлопского штрайку проводыры хвалили ся, же в одном селі спалили пару коп сіна. Тым способом хотіли они напевно заохотити других до такой самой работы.

Автор летучки забыл однак, же спалена копя сіна была результатом цілорочного труда другого хлопа, — то паша приготовлена на зиму для живины, тым ціннійша, же в том році ест ей мало. Прото тыж никто не має права нищити доробку хлопского, а тым больше тоты, котры подшивают ся под того, же сут приятелями хлопа и борют ся за праву его долі.

Факт подпаленя сіна ест карыдестыйный и смутный. Потішити в том случаю можна ся лем тым, же бурительскы стремления агитаторов не нашли отзвуков серед широких рядов сельского населеня. Загал населеня здал собі справу с того, же бурительском роботом не поправит своего положеня и же лем спокойный, вытравалый труд и згода могут уллучити его быт.

Як живут слоны.

Ест легенда, же в глубині афрыканского контыента ест „цментер спонов“, звірята тоты, як голосит предане, чуючи зближаючи ся смерть, идут на знане лем им місце и там здыхают.

Дотепер никто не нашол костей слонов. Тота легенда заохотила многих до гляданя того „цментера“. Недавно одна така экспеди-

ция вернула и управитель ей написал цікаву книжку о житю тых звірят.

Передовсем перечит он знаной легенді о якосим „цментарі слонов“. Слоны так як и други звірята здыхают от старости в розматых місцах, а не глядают якогоси спеціального місца. Костей слонов наравду не отнайдено, бо автохтоны укривают смерть того звіряти перед властями. Крадуть они дорогу кость слонову, а тіло его гребут до землі. Коли слон має здохнути, знае о том місцеве населене пару доокрестных сел, муринських, бо над гынучим слоном громадят ся хмары коршунов. Клювы их однак сут за слабы, штобы передыравити грубу скору слона. Ждут отже, аж росорвут слона гиены и шакалі и аж погодивше кормят ся его стервом.

Раз стрільцы слышали переразливый крик слона. Над раном переконали ся, же в пняку грубого дерева был вбитый реликый клик слона. Видно вбил его, біжучи в ночи через ліс, а коли хотіл его вытягнути, вырвал его.

Страшна ест доля не лем старых кснаючих слонов, але также и львов. Звірята тоты тратят на старость силу, не могут ся рушати и здыхают с голоду. Конаючого, живого ище розрывают звычайно гиены.

Неправдива ест также поголоска о борбі, яку провадят меже собом великы звіры. Николи ище стрілець не виділ борбы слона с носорогом, або льва с тыгрысом. Звірята тоты мають знаменитый нюх, чуют себе здалека и оминают ся взаимно. Лем часом доходит до борбы льва с крокодыльом.

Найстрашнійши шкодники джунглей сут крокодылі и... люде. Львы и други звіры, як сут сыты, не нападают николи. Лем крокодыль нападат все, бо ест все голодный. Так само человек полное все на звірину.

Г Редакциі „Лемка“ в Крыниці мож стати ріжны книжочки религийно содержания.

ДЕРЖАВНЕ ЗАВЕДЕНЕ КУРАЦИЙНЕ
В БЕСКИДІ ЗАПАДНОМ

● КРЫНИЦА — ЗДРОЙ ●

Доїзд СКОРЫМА ПОІЗДАМИ через Тарнов - Новый Санч
ВАГОНЫ СЫПЯЛЬНЫ

15 жерел щав желізисто-земельных, богатых в безводник угля. — Здрой Зубера, найсильнійша щав алькалична Европы. (Польске Виши), купелі минеральны: квасо-углевы и боровиновы. КУПЕЛІ СОНЕЧНЫ. — Заведене заосмотрене в найновійши приряды лічничы.

Пияльня и лазенкы, огріваны в зимі центрально. — Дом здровый. — Покои с теплом водом.

РЕСТАВРАЦИЯ, ДАНЦИНГ, ЧИТАЛЬНЯ, РАДИО.

Театр в сезоні головном, кино, спорты літны и зимущны.

Крыницкы воды лічат: хвороты сердца, жолудка, жолчи, печенкы, проводов мочовых, женочи, малокровие, нервы. — Дійствуют добре на переміну материи и т. д.

60 гуцульских господарств стануло до конкурсу чистоты. В Микуличині уряджено конкурс на найчистійше удержане гуцульске обысте.

До конкурсу зголосило ся 60 господарів, котрых хозяйкам уділила всяких порад с области гигиены тіла и хат инструкторка гигиены Бадецка.

По оконченю конкурсу комиссия перевела люстрацію хат и обыстя и признала нагороды в посуді и в дыпльомах.

Першу нагороду достал Николай Иванов. При законченю конкурсу выголошено ряд бесід, в котрых подчеркнено потребу таких конкурсов, маючих на ціли чистоту тіла и обыстя. Чистота причинят ся до численнійшого приїзда літників, а тым самым уллучшат материяльно быт населеня.

Вісти с краю і со світа.

Заказ битя коня. Турецкы власти выдали заказ битя коней. Фурманы мусят обходити ся без батога. Оголошений в той справі декрет подає, же фурманы мусят в будучности обходити ся по людскы с конями. Здало бы ся и у нас впровадити такой закон, бо гдеякы фурманы катуют немилосерно коні.

Похорон голуба - героя. В Мармут в Америці похоронено недавно с войсковыма почестями почтового голуба, котрый принимал участь в світовій войні.

Голуб тот был приділений на фронт французский и отдал амерыканской арміи барз поважны услуги. 33 раз переносил он важны документи меже амерыканским головным начальством и комендами дивизий. Раз, летячи, натрафил под огонь машинных карабинов и был ранений в око. Помимо раны полетіл дальше и отдал писмо. Тот богатырский поступок голуба был отмічений в дневном приказі выданом до амерыканской арміи.

Хліб с муки, дерева и трачовин. На торговочных торгах в Крулевці, в Выходных Прусах ест павильон міста Гданска, а в том павильоні находить ся хліб, придуманный профессорами Гербартом и Рильманом, зроблений с мішанины муки, дерева, и трачовин.

бри результаты при переділіці шкла на пря-

Пряжа со шкла. В Италиі одержано дожу. Пряжа ест гнучка и мягка. Выробы со шкляной пряжи в виді шнурков, лент и трыкотов сут отпорны на огонь. Ведут ся роботы в цілі улущеня шкляной пряжи, котра може мати велике приміненя, особливо, яко материал изоляційный при електричестві.

Страх перед концом світа. Перед недавним часом подали газеты вісти о том, же комета Финслера має вдарити о землю и же то то може стати с япричином „конца світа“. Тота вість наполнила страхом населене гдеяких стран. Страх тот обявил ся особливо сильно в воеводстві станицлавовском. Уж через цілий послідный тыждень перед днем „конца світа“ не бесідовано о ничом другом, лем о приближаючом ся „конці світа“, а в самом дні маючого надойти несчастья много людей не выходило с хат и цілий день молило ся. Были однак и такы, котри заливали хробака. Вечером того дня сорвала ся буря и тот момент был страшный. Люде прощали ся с собом и плакали, ожидаючи смерти. Успокойло ся аж по полночи.

Вернул с войны по 22-ох роках. До Коломиы вернул по 22-ох роках бывший австрийский вояк Тарас Фундур. Фундур попал в плін и поселил ся в Росии. Тепер удало ся ему утечи с большевицкого „раю“ и вернути до Коломиы.

Родичи его уж поумерали, а жена не маючи жадной вісти о нем, вышла перед пару роками за муж и має трое дітей.

Волкы нападають на людей. Во виходных окраинах Польщи правдивом бідом стали ся волкы, котры нападають не лем на живину, але также и на діти. В повіті луницком занотовано в однім тыждні 4 случаи порваня через волкы дітей. Кости тых несчастных найдено в доокрестных лісах.

Палат книжки Гитлера. В Инсбруку (Тыроль) в окной книгарні находила ся на выставі книжка написана Гитлером „Мейн Кампф“ (Моя борба). Населене зажадало усуненя той книжки с выставки, а коли властитель книгарні не хотіл того зроби́ти, толпа людей выбила шибы в выставі и всі книжки попалили. Тото само діяло ся также в инших місцевостях в Австриі. Кружат поголоскы, же правительство, штобы не ятрить людей, заборонит продавати тоту книжку в Австриі.

Новый выбух вулькана. На одном острові коло Индий находить ся найбільший в світі вулкан Кракатау. Вулкан тот в послідных літах был нечинный. Аж недавно почали выдобывати ся с глубины кратера клубы дыму и пару, сягаючи до тысяча метров в гору. Што хвиля чути подземны громы, што предвіщат близкий выбух вулькана.

Стыпендии на науку для селянских сынов. На основі зарядженя премьера ген. Складковского о перезначаню при укладаню гминных бюджетов сум на стыпендии для талантливых дітей селянских в многих выділах повітових запали ухвалы, же стыпендии буде ся давати лем тым селянским сынам, котры будут ходити до середных и низших школ фаховых, маючих звязь с сельским господарством и его продукциом. На студии в школах высших буде давати ся стыпендии в выключных случаях и то лем ученикам незвычайно талантливым, штобы дати им возможность окончити студии, котры зачали перед одержанем стипендии.

Бразылія заинтересовала ся польскыма льняныма выробами. Бразылійскы купцы звернули ся до виленскою Палаты Ремесельничой с наміром закупленя одежи льняной мужеской и женской.

Купцы тоты заявили, што если будут довольны с товару, то Бразылія навяже близкий торговельный контакте с Польщом и буде стло купувати в Польщі льняны тканины.

Чудесне оздоровлене паралитычкы. В Лурд во Франциі ест икона Богоматери, полной чудес. Недавно был там случай чудесноФго оздоровленя 27-літной паралитычкы, Ельзи де Конник с Бельгии. Всі лікары, котры от 9-ох літ ю куровали, стратили надежду удержаня ей при житю. Противили ся они также ей паломництву до Лурд. Помимо то-

го хвора дівчина выхала там и в часі благословеня хворых нагло оздоровила и чуе ся совсем добре.

„Свята война“ арабов с жидами. В Палестыні росшмарено масово летучкы, взываючи арабов до „святої войны“ с жидами и выступаючи остро против поділу Палестыні меже арабов и жидов. Доносят также о приготовленю через арабов новых розрухов. Чотырдесятох проводыров минушорочного повстаня має приготовляти в Дамашку пляны и организацию нового повстаня, на клич котрого палестынскы арабы ждуть нетерпеливо.

Знищили власне село. В часі войсковых вправ французской артылерии в результаті отибочного наставленя армат, батарея армат засыпала градом бомб и гранатов село Альтвейлер, нищачи много хат, под розвалинами котрых згинуло парудесятеро людей. Перестали бомбардовати аж втотчас, коли місцевый войт повідомили о том войсковы власти.

Згоріло 200 моргов ліса. В Стефанести Ильсоф в Румунии запалил ся с незнанных причин ліс. Огонь знищил документно 200 моргов ліса. Пожар загасила пожарна сторожа и войско по цілоденной акции. Шкоды выносят пару милионов злотых.

Пробовал ся повісити. В селі Окрысинцы недалеко Коломиы бавили ся діти на поли. Придумовали они штотаз новы фиглі и забавы. Оден с участников 16-літний Василь Стефанишин постановил выпробовати, яких впечатлінь дознає человек при повішеню. Завісил шнур на тополі, заложил собі засилку на шию и почал ся дусити. Коли уж посиніл, товариши забавы отвязали его. Непритомного уж Стефанишин, падаючи со значной высоты, потолк ся сильно. Любителя сильных эмоции отвезено до шпиталя.

В неділю дня 12. вересня о год. 2-ой по полудни в Ждыні пов. горлицкого в салі читальняной отбуде ся

Обще Собране

членоз читальні ім. М. Качковского, на котре запрашамо всіх членов и интеллигенцию доокрестных сел.

Правлене чит.

Куплю иллюстроване **Житє Святых**, составлене **о. Ант. Добрянским** и велику библию, составлену **о. Мащакон**.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО.

НЕХАЙ ЯКНАЙСКОРШЕ

за асекурує ся
в асекураційном Товаристві
ВИТА И КРАКОВСКЕ
во **ЛЬВОВІ**

Асекурацію принимають на цілої Лемковцині
представителі: гг. Осиф Ямовицький — Крыница - Село
и Михаил Перелом — Сянок.